

春秋左傳釋人

之法書地書人書氏書  
名賞罰之大權褒貶之微義  
寓焉左氏傳或先經始事或  
後經終義其徵事益繁則其  
徵人愈廣魯三桓鄭七穆晉

八卿宋六官之屬固其最著者他若氏族之支分派別爵秩之時異地殊且有異人而同名異名而同人者殺而列之繁蹟難紀矣顧圖譜紀傳之作前代亦多有張傑春秋

圖詳車器城邑逢繼元名號  
歸一圖敘官諡名字帝歷紀  
譜不著撰者姓氏又多前後  
牴牾春秋世譜宗族名諡譜  
楊彥齡二十國年表沈存中  
春秋紀傳皆非無可稱而誤

謬不少近人馬氏繹史李氏  
尚史陳氏春秋世族譜程氏  
春秋識小錄於杜氏誤註多  
所駁正而影響附會之說亦  
往往雜出其中蓋局於前人  
則沿訛襲謬逞其臆見則穿

鑿支離名同而強合爲一人  
氏同而援引爲同族糾紛錯  
雜疵謬益多壬戌之歲河內  
范君乙青需次都門以所著  
春秋左傳釋人十二卷質於  
余上自王朝諸侯下至遐方

殊域有氏族可稽名字可紀  
者靡不畢載其例則以考世  
次考臣庶考婦女考古人分  
爲四焉綱舉目張犁然大備  
中若鄭子元厲公等之定爲  
一人公子偃等之分爲二人

曰任之斷爲華氏臣申鮮虞  
之傳摯比例潘廔之黨皆能  
自申其說而不苟同於前人  
者夫讀書知人古人所尙伊  
川程子云觀百物而後識化  
工之神聚衆材而後知作室



之用於一事一義而欲窺聖  
人之用非上智不能由此以  
觀後之學者因人論事卽事  
徵義其於春秋之微辭隱旨  
時措從宜未始不可於始事  
終義之閒博觀而約求之徒

知其人云乎哉

嘉慶七年歲次壬戌夏六月  
上澣年家眷同學弟嘉善錢  
樾拜書

# 序

唐崔日用自矜左氏春秋及與武平  
一論三桓七穆不能對乃慙而請北  
面後儒謂讀左氏傳苟不能通古人  
言外之意雖三桓七穆口誦如流亦  
非所貴余竊以為不然子輿氏云誦  
其詩讀其書不知其人可乎然則欲

論事者首貴知人人之始末未詳即  
欲論事而其道無由也譬之斷人家  
務者然必舉其人之先世與其父子  
兄弟親疎遠邇一一洞然胷中而後  
其家事乃可以條分而縷析之即為  
之判斷其是非邪正亦確然可指鑿  
然有據不至為影響之談孰謂讀左

氏傳者不當作如是觀耶余幼學時  
讀諸經後先大父即授以左氏傳誦  
之十閱月而畢於列國氏族之繁人  
士稱名之異嘗苦其錯雜難稽因取  
其人而類聚之三桓七穆而外如晉  
八卿宋六官之屬皆燦然可數惜纂  
錄未竟而稿本燬於火嗣後分心時

藝役志名場雖重為編輯訖未能就  
邇年教授生徒有肄業及之者其於  
氏族之雜稱名之異亦復苦余所苦  
乃發篋中舊稿細加檢校自王朝列  
國卿士大夫暨戎狄蠻夷共得人一  
千九百有奇支分派別編爲六卷復  
考訂王朝諸侯世次四卷又輯王后

諸侯夫人下逮臣婦為一卷傳中稱  
引之古人為一卷共十二卷名之曰  
春秋左傳釋人舉二百四十二年之  
人逐一覈定博取漢晉唐宋近代已  
來諸家之註釋圖考而參其同異斷  
其是非摘其訾謬正其誣妄闢其支  
離附會其必不可通者姑闕疑焉有

可以傳文前後紬繹而得之者必為之芟刈舊說辯黑白而定一尊俾學者確然有所依據雖不敢謂考證詳密上掩前人然而鹵莽滅裂之見粗能免矣從事左氏春秋者流覽乎此傳中之人無一不悉其本末夫而後因人以論事即事以徵義默會乎左



公之微言以折衷春秋之大旨庶乎  
立言有本不至流為空疎浮滑之說  
或亦窮經者之一助也乎

乾隆五十三年歲在戊申重九日覃  
懷范照蔡書於上黨馮氏家塾

序

左氏傳載范宣子述其先世自陶唐迄晉千餘季源流厯厯可數而鄭行人公孫揮能辨四國大夫之族姓班位名動諸侯誠以春秋肯上自王韜下逮四裔會盟聘問之邦百二十餘國名卿巨室無國縣之氏族繁則支

派易混稱名雜則攷核易淆非留心  
掌故諳練友邦者鮮不茫然失據是  
攷辨之學在當時尚難其人况經秦  
火後書籍零亡漢儒所祖述者惟古  
本一書厥後世本散失注家轉相援  
引動多乖謬甚且出其私臆妄為注  
釋支離附會之說愈繁而愈不可通

竟使二百四十餘年人物大半淆亂  
而窮經之士又復高談義例荒廢典  
章相率為空疎無據之學豈不深可  
慨哉河內范子乙青余丙午典試中  
州所得士秉乃祖無崖前輩庭訓熟  
於左氏春秋庚戌來都以所纂左傳  
釋人十二卷正於余取而讀之見其

體例嚴正攷核精詳議論醇雅辨駁  
明哲或合前人所分者而剖其誣或  
分前人所合者而正其誤或直闕前  
人之謬或曲解前人之疑上而王朝  
下而四裔凡王侯君公以及卿士大  
夫婦人女子述其世次詳其氏族支  
疏派別縷析條分舉支離附會之說

掃除而廓清之二百四十餘年之人  
燦若列眉瞭如指掌誠可謂左氏傳  
之功臣抑亦堪嗣公孫揮之遺響矣  
乙青三上春官薦而未售不介於衷  
其將出都也以弁言請余深喜是書  
之卓然可傳而更嘉乙青之潛心篤  
志能紹其家學於不墜也因為之序

而歸之

乾隆五十有五季歲在庚戌夏四月  
下澣通家侍生吉林德昌撰

鑒定諸先生

王和璧先生

莊方耕先生

李滄雲先生

德樹堂先生

吳少甫先生

章桐門先生

孫寄圃先生

錢撫棠先生

郝綱菴先生



古竹軒  
賀葆初先生

袁英伯先生

馬毅齋先生

李松圃先生

祭訂同人

李佩玉德昭

蒲城

李廷玉楚珍

蒲城

劉騰蛟仲升

蒲城

曹履青畊陽

河內

楊松祺介眉

河內

賈 湘約園 河內

賈介石貞吉 河內

李師舒誼原 濟源

李克轍我合 原武

莫夢鈞伯雅 盧氏

馬長史伯良 邵陽

馮大烈觀亭 長治

蔣培敬汝修 陽湖

戴衍善元嘉 上元

朱 桓芝圃 臨桂

林大宏寶堂 分宜

陳華祝冀堦 錢塘

張 潏淘山 館陶

唐 毅眉山 全州

朱純士志堂 臨桂

宋元兆吉三 鄒州

于宗林子道 丹徒

校閱門人

楊宗周尙文 濟源

范近智時敏 河內

賈重謙吉六

河內

鄒本暹曉亭

河內

賈守謙益之

河內

馬佩蘭紉菴

定州

馬佐蘭香亭

定州

范大任覺堂

河內

張磊介山

河內

冷永寧靜子

河內

陳治安漢策

河內

楊鳳翥麟友

河內

楊士俊筠亭

河內

楊士秀升三

河內

許立均阜民

河內

杜芳蘭亭

河內

趙誠賓甫

河內

陳端

河內

馮遵堦玉立

長治

馮遵堦明遠

長治

吳秉政乘權

長子

周宏綱維則

席桂

周貽緒縉思

臨桂

周貽組綬臣

臨桂

陳守增盛軒

臨桂

唐維錫疇九

臨桂

唐廷佐楓亭

靈川

韋士寬濟菴

永寧

覃丕業爰孚

平南

李挺然炳文

臨桂

汪龍川見田

富川

楊萃林碧岑

臨桂

夏之松栢友

北流

梁第元兆三

北流

楊治階平

北流

羅國俊士杰

北流

蔣朝駿乘三

北流

陳兆麟繡占

五河

潘媚川璞菴

五河

張佩蘭春谷

五河

陳行恕近仁

五河

凡例

一考世次

十四王世次首列尊周室不使與諸侯伍也悼王立未踰年故經書王子猛卒然實繼統當立之人故仍傳文以悼王列之所以正王子朝篡亂之罪也至元王之立在春秋後矣故不載

六安王氏六經圖考於列國年表用大全本增燕爲二十國案燕國世次自穆侯以下十八君見傳者止一簡公年代先後與史記不合越君雖少見經傳者七十年事蹟較多故列燕於小國中增越仍脩二十國之數



周之宗盟異姓爲後林堯叟二十國次序亂則之舊矣今  
易之姬姓首魯者經傳以魯爲主也先吳於諸姬者尊  
大伯也次晉於蔡曹衛滕者不以武之穆先文之昭也  
鄭爲厲王後姬姓之末也終之異姓首宋陳杞者傳三  
恪也先宋於陳杞者公先侯也次齊楚秦者先霸國也  
次許薛莒兩邾者後小國也以越終者魯哀公之季年  
越始盛春秋終於越也此二十國之次第所以不苟同  
於前人也

舊本諸侯世次止註某公子弟且多譌謬今皆按傳文考  
定而註加詳焉先書各次某公子魯某公幾年卒在位

若干年其被弑遇害皆據傳文實書之經傳皆不載而考自他書者亦書之所以著亂臣賊子之實惡也

魯十二公與列國諸侯事迹不能盡載也今取其會盟侵伐之有關者載之國霸之國如齊晉秦楚事大之邦如鄭宋陳蔡其係乎君臣之分內外之防者皆備列焉他如晉之中軍楚之令尹鄭宋當國之人可考用人行政之得失者亦附載之春秋大勢已可一目了然

五霸桓公爲盛洵定論矣晉文雖正不如桓然納王而紓周室之憂敗楚而救小國之患率桓之功於是乎在矣秦穆楚莊均無獎翼王室之助顧穆能用孟明以報晉

而霸西戎莊能聽申叔以封陳而霸南國尙屬振拔有爲之主宋襄以貪鄙之才行暴虐之政納齊君而齊伐之會楚子而楚執之春秋有圖霸之君而受辱於諸侯之會且喪師傷股以死者乎以此而僭之五霸真令人齒冷也今特黜之而以晉悼公備其數焉

荆楚僭號舊矣畏厲王暴虐而去之是王章猶在也平王東遷綱紀陵夷入春秋未及二十年而熊通復僭王號雖以桓文之霸無如之何由是吳越踵而行之益無忌憚矣聖人於春秋祇書其君之卒而不書葬蓋隱奪其僭號而示後世以微權也今案楚君既非如吳越有號

可稱若遽易其某王爲某公則誣其實直稱之曰王又非聖人之旨矣或曰事有直書之而善惡褒貶自見者故仍傳文列之顧於心終有不安云

二十國舍燕者以其君之不見事之無徵也且傳止見一簡公與史記之表已矛盾矣秦雖至穆公始見經傳而入春秋已來七君年數皆合故備列之以全其數又不得以燕例之

二十國外小國之君見於經傳者四十七國備錄之亦先姬姓後異姓各以見經傳先後爲次第不得以二十國之例例之

小國之君無諡者多如息侯虢公肅公郕子頓子沈子胡子其見傳前後相距或十數年或二三十年或五十六年其非一君明矣皆權衡其間可書者備錄之其渾稱人而無實指者雖見於經傳不錄

周召單劉皆王畿內也故載之王臣而不與祭凡並列焉原伯爲晉所遷蘇子爲狄所滅國已亡矣而其後猶仕王朝也故歸諸王臣

春秋時戎狄蠻夷約四十餘種其君長之見於經傳確然可考者僅十一國今備錄之其無名號概以人稱或渾稱戎狄者不錄

一考臣庶

首列公族尊公室也次諸族表巨室也次諸太夫人雜而不能析分故統言之也有外臣者次外臣別乎其內也小臣終之者降刑人而抑寺奄也其人以見傳先後爲次第其有人在先而後見傳者仍先之其同姓非宗者類聚之以便閱也非強合之也

公族固首列矣其有賜姓受氏分自公族者另列之如魯三桓鄭十一穆宋華向魚樂楚鬬屈諸家是也

人有以官職稱者如晉右行司馬楚沈尹工尹之類其人未必皆一族卽一族亦無世系可稽因其官同故亦類

聚之以便讀者他如楚令尹朱鄭六卿有族可考者又  
不在此例

人有兩存者鄭厲公楚靈與平爲公子時皆有朝聘會盟  
侵伐之事見於經傳故先列之公族中卽位後始列於  
諸侯所以徵實也他如楚巫臣之於晉伍員之於吳鄭  
子革之於楚號舟之僑之於晉仍各係之其父母之邦  
所以重本也

鄭子元卽厲公也魯卽叔詹也石甲父卽石癸也蔡子家  
卽公孫歸生也衛大叔申卽大叔懿子也宋華臯比卽  
華合比也楚達射卽沈尹射也徒以杜氏無訃後人遂

依違無敢定者今皆詳考之斷爲一人

魯有兩公子偃晉有兩梁宏兩嘉父兩士句兩箕遺衛有  
兩甯跪兩石圃鄭有兩洩駕齊有兩公子鉏兩賈舉楚  
有兩公子枝兩公子申兩屈蕩杜氏或註或不註竟有  
合而一之者其可乎今皆詳考之分爲二人

衛公子朝非宋朝也晉知盈非知懿子也鄭子俞彌非洩  
堵俞彌也行人子羽乃公孫揮非十一穆之子羽也公  
孫段字子石與印段字子石名字皆同非公孫黑肱之  
子段也渾罕字子上非游速也昭二十七年楚工尹麇  
乃王尹非同時兩工尹也不論支振不詳文義不考前



後概渾而一之可乎他如曰任亦華氏臣也以曰爲曰  
字而以任屬下文釋則不通矣申鮮虞之傳摯猶之潘  
尫之黨也以申鮮虞之爲名釋而不問同車者之三人  
而非駟乘也則更不通矣杜氏之誤注其失小後人支  
離附會之說其惑學者不淺也今皆詳考而正之

人有前乎春秋者各以其國類載之如宋公子穀甥齊王  
子成父晉師服潘父之類不在後古人之例又有見傳  
於後而人在先世次無可稽者亦附諸同姓之首如衛  
孫莊子楚觀丁父之類亦以便學者之檢閱也

小國之臣見傳寥寥間有一二人雖名字無徵然不忍舍

之如梁卜招父之子鄧大夫薛宰徐邈臣之類大國中  
亦有附存者如孔達之子伍員之子之類總之無其人  
不敢妄增有其人亦不忍輕棄纂錄之間幾費躊躇矣  
戎狄之臣見傳者僅五人姑附錄於小國臣之後

一考婦女

婦人從夫者也故夫人皆以君爲次序其有人在先而見  
傳在後者仍前列之

宋景曹乃景公夫人曹姓非元夫人也元夫人當稱元曹  
何得稱景曹乎杜氏妄註後人從而附會之愈支離不  
通矣今正之

夫人有兩存者息嬀息夫人也楚文娶之又稱文夫人然其初固不可誣也故兩存之

女子有當分載者如陳賈獲之母與妻齊農封與盧蒲葵之內晉郕臧與祁勝之室可分者不妨分之他如鄭文芊之二女楚申亥之二女則不必分者也故仍之

婦女有統乎一者夏姬由陳而楚由楚而晉則仍歸之陳焉聲伯之母施孝叔婦叔孫豹之國姜則仍歸之魯焉雖強娶見奪然較之息嬀則殊科故不以息嬀例之

婦女有廣收者王室之臣婦無徵見傳者僅一周郊婦人莒之嬖婦魯齊之宗婦宋蕩姬之婦名雖不傳而人不

可沒也故備列之

一考古人

春秋以前之人皆春秋時古人也列邦稱引約二百人綜而錄之備考古者之一端左氏傳中之人始無遺漏矣上自義軒下訖西周之末人之爲類不一分之則名目太繁今以魯十二公爲綱各因其見傳先後次第之其有前後稱引名號不同者註明於前不再錄

臯陶庭堅見於文五年傳杜氏以庭堅爲臯陶字或又以爲兩人尙論者未敢臆斷今錄臯陶於前錄庭堅於文末年以備八愷是一是二俟博物君子更考之

陶唐氏堯有天下之號也今既於文錄堯矣復錄陶唐氏  
於襄者以備范宣子稱引歷代之文非重出也其餘俱  
不在此例

人有顯晦故註有詳畧然如堯舜禹湯文武桀紂則戶知  
之矣何煩費詞乎故概不加註

幼時初讀左傳爲杜林合註後考事論文叅諸註釋之  
家得十餘種曰馮繼先名號歸一圖顧寧人補正魏冰  
叔左傳經世徐揚貢經學辨體馮天閑左繡周氏左翼  
姚氏左傳顧復初春秋大事表程氏春秋識小錄陳曙  
峯春秋世族譜江西石刻六經圖六安王氏六經圖馬

氏經史李氏尙史其駁正杜氏誤註甚夥而支離附會之說較杜氏更謬者亦復不少今皆參互考証務期允當無可考者闕之固以存疑有可稽者斷之殊非臆說世不乏好學深思者傳文其在皆可覆按也

乾隆丁亥讀左氏傳畢卽私纂臣族類考一編先大父見之頗喜曰孺子讀書必求甚解他日或克負荷析薪乎乃稿本未竟而燬於戊子春正晦日之火時客江南霍山講院也嗣後從遊關中課誦之暇復理舊稿草創粗就未及請正高堂先大父遽捐館舍今爲課徒計取稿本重加考訂釐爲十二卷撫今追昔執筆愴懷回首

童穉時把卷追隨親承提命如昨日事已忽忽二十餘  
年而先大父見背且十三載矣嗟乎范喬有淚亦復何  
時能乾耶

照藜再識

春秋左傳釋人目錄

河內范照蔡乙青卷

世系圖

年表

卷之一

王朝世次

諸侯世次上

魯 吳 蔡 曹 衛

卷之二

諸侯世次中

滕 晉 鄭 宋 陳 杞

卷之三



諸侯世次下 齊 楚 秦 許 薛 莒 邾 小邾

越

卷之四

小國世次

戎狄蠻夷君長考

列國爵姓考

滅亡諸國考

卷之五

王朝臣考

諸侯臣考一 魯

卷之六

諸侯臣考二

吳 蔡 曹 衛

卷之七

諸侯臣考三

晉

卷之八

諸侯臣考四

鄭 宋

卷之九

諸侯臣考五

陳 齊

卷之十

諸侯臣考六

楚 秦 莒 邾 越

小國臣考

戎狄臣考

卷之十一

婦人考

卷之十二

古人考

同名考

附錄

世系圖說

古者左圖右史史文繁重檢閱爲難著之於圖即可瞭如指掌圖與史相輔而不可缺者也古人圖籍湮沒不傳近代纂錄之家於歷代帝王世系各以其意爲圖獨馬氏繹史推爲善本纂纂左傳釋人繪圖因之顧繹史上述皇古下迄亡秦歷年久人多而圖較繁是書專釋春秋時人世系止於哀公末年悼公以後人旣不見於書故亦不列於圖隱公之前備載始封之君則以列辟卿士支分派別不得不上溯其所自出也由王朝逮諸侯譜世系者二十雖本於繹史而有繁簡詳略之別蓋法取乎善圖不嫌於從同書各有體圖固不妨於表異云爾

# 王朝世系第一

。后稷 不肖

公劉

高祖 昭祖 緝

至  
三季  
至

仲雍

康叔

武王

成王

康王

昭王

穆王

共王

懿王

伯邑考

姬子

康叔

康侯

至

康伯

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

康叔

○ 孫公 孫伯

作  
月

姜——林父——魏叔——魏公

王子虎

王 厲王 宣王 幽王 平王 襄王 桓王 莊王 僖王 昭王

鄭札公

主·子·派

卷

王子猷

周定公

周祖公

相公集

凡

祭儀

祭公——祭叔

毛伯

弘秘公

○升清

尹氏

尹氏

張公

鑒

王格公—陳生—劉公—定公—謝公—文公—桓公

襄王  
昭王  
宣王

懿王  
昭  
穆

懿王  
太子

定王  
簡王  
靈王  
景王  
悼王

敬王  
元王

王孫滿

王子帶  
甘茶  
景公  
悼公  
平公  
桓公  
王子朝

單伯  
襄公  
頃公  
靖公  
獻公  
成公  
穆公  
武公  
平公

周公幽  
周公是  
成肅公  
簡公  
桓公

毛伯  
伯綏  
毛伯適  
毛伯得

原伯  
其公  
伯綏  
其子

伯綏  
子  
尾

召昭公  
桓公

戴公  
夷襄  
莊公  
簡公  
武公  
宣公


宣公

宋史記自宣祖至武王十五世終始謂子有餘歲世止十五不合於祖復以世  
本山海經之入增益之宋之代世年運仍無確據今以石碣為始祖后繼至太  
王中興世次圖從其所以所繼之人不致在此也不宜為后繼子繼射為太王  
父前圖世圖世公相連傳有明文似不特以屬見統數之矣故仍照舊說節錄  
之以便讀云氏傳者

宋徽宗周建道侯有土傳世者圖中止後始封之君不紀世系其食采後為  
王卿士者感著其世於此今觀之徽公出自王素周公成氏毛氏原氏出自文  
王凡伯伯出自周公畢氏出自懿王王叔氏出自穆王甘氏出自懿王懿氏  
出自昭王懿氏出自厲王召氏為周同姓成以爲支王之子非也周召二公次  
子惇相王室同為上卿尹氏未嘗所出蓋其姓與公族之後自是無仕者為  
大夫別稱懿氏







# 吳世系第三 虞附

○大伯

仲雍

季札

叔達

叔餘

又歷下四世世傳

成伯

虞

虞

虞叔

大無王 亦無氏

仲雍

季札

叔達

叔餘

太子友  
公子慶忌

終壽  
子山

季札

叔達

仲雍

案傳文及諸梁傳道吳兄弟四人以次傳位季札  
其意亦止有四子以繼山為末母弟者非也今  
制之又傳叔夫之子名慶忌而呂氏春秋謂七廢  
子亦名慶忌經史以爲不可信乃復列其人何耶

案史記武王克殷求太伯仲雍之孫得周  
章已君吳因而封之別封周章弟仲於虞  
是爲成仲王春秋虞爲仲滅而吳始興據  
此則吳與虞同祖故從經史附虞於其

# 蔡世系第四

○蔡 蔡 又歷八世至貴公

寒 想

蔡 蔡 蔡 文公 景公 襄 隱 平侯 左宗

案史記蔡仲以下八世

至宣公卿史謂其必有

脫誤其然無可考缺

疑可也今略之一餘昭

公十一年楚滅蔡十

三年楚平復封之中則

無君者一年

○蔡仲 魯昭平初襄

小圖大夫見傳其少公族

世次其考始知子朝三世不可

沒也附錄之以存其案云

懷侯 元


昭侯 侯

乾

曹世系第五

曹叔  
又歷十一世至桓公

桓公



案春秋曹氏出奔陳初歸於曹明稱之  
非君也繼更列之為君非是又史記以  
成公為宣公弟而經史從杜預謂其姪  
公子亦非也本皆改正

# 滕世系第六

○叔繡

滕侯 — 滕侯 — 滕 — 宣公 — 成公 — 懷公 — 宣公

滕公

與滕人春秋經侯後降穰  
子滕七年經侯後降穰  
一年又有滕侯來朝莊十  
六年又有滕子來朝莊公  
四年於前記則當時已三  
十五年宣公一人是宣公  
之前已有三君為史止書  
一滕侯繡矣







晉世系第八

八式

續傷寒論

養稷養穀養士養老

編

伯

卷之六

叔伯叔伯

曲  
木  
箱  
舊

今

实训

聖 部 聖 聖 聖

●

東

懷  
少  
德

一、拿錯

太公

魏公  
——  
廉公

樊一平

威公——基公——厲公

案齊公妻任氏唐叔子無則耳非佚者也  
驪氏出自靖侯神氏  
出自懿侯驪氏出自  
桓叔羊舌氏出自武  
公卿氏者國語亦公  
族也欽公而下則無

公卿止者國計亦公  
族也獻公而下祖無

昭憲公

古澤公子以故公子  
公孫龍繼其國曲沃  
新田之而公族鮮矣

穆其

穆南

子與

穆其

子與

穆其

子與

穆其

子與

穆其

子與

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

大覽

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其

穆其


穆其

穆其

昭憲公

昭憲公

昭憲公



案晉諸卿凡十一族分族似  
魏晉而外同姓者一族魏  
氏出自文王子紂公高與姓  
大族趙氏出自叔帶夙與我  
分爲二族之後別爲邯鄲氏  
午城趙而族以衰之後與  
魏三家共分晉士氏出自  
叔帶士會食采於范梅范氏  
其支子源嗣仍爲士氏先氏  
晉氏荀氏均未詳所出荀林  
父爲中行又稱中行氏其弟  
荀息也於知又稱知氏其後  
荀氏出自孫伯也陳氏世族  
請引新唐書謂康伯林父  
孫允滿不可從伯宗爲伯氏  
其子奔楚而後齊其分仕三  
國今統系於此其小族僅一  
傳及人繼而無考者俱不錄

魏氏世次諸本多舛世族譜大事表會得中之步居  
不載而表引世本之蒲城誰居遂以魏之從弟爲從  
子陳矣今以傳文考之招爲楊弟招爲楊子至與叔  
爲招子世次井然 魏氏世次亦多互異杜預解是  
魏子正義謂顯與群俱魏子顯長而庶群幼而顯魏  
世家云顯生悼子悼子生群則群爲魏孫以年世考  
之世家之說爲是今從之 趙氏世次諸本亦誤尤  
甚公羊氏孟以晉近而說作兩人夙與我以兄弟而  
說爲父子皆非也今以夙與同出并五上溯叔帶爲  
五世而到去公明較舊說爲優矣 士會食采於范  
謂范氏其庶子源嗣仍爲士氏魏史以源滿與會爲  
兄弟大非 荀首則爲知氏世本云魯生胡朔生孟  
傳云知朔生孟而存杜預謂魯是胡弟經史因之移  
衆一新尉封云荀林父之孫曰伯嚭以字爲氏曰嚭  
氏至簡子凡九世其說雖甚林父至宣凡五世而以  
其弟自是顯極實亦五世何得林父之孫至簡便九  
世耶魏史因之殊爲失考 已上各條皆舊考改正  
詳見晉臣考各條註



「明宏

定公——獻公——廢公

案鄭公族太叔段作亂被弑子孫皆公族公孫復定叔以早先祀其後遂衍屬公諸謂為子人氏自九而外亦不得見文公諸子盡不得其死穆公之子多憂憂嗣位而外尚有十一人穆公納子其之言皆為大夫後子印子初為公子班所殺子印之子夫死子懿士子孔早卒子孔相二室作亂被殺以及三族其後歷卿位者皆其氏早氏駟氏游氏豐氏印氏之子孫諸侯稱之曰七穆云

襄二十二年傳公孫黑肱將室老立段杜注以黑肱為穆公孫以段為印段後人稱以黑肱為子印子印段為黑肱子其說甚謬釋史因之誤矣案黑肱字子張宣十四年伐子孫為厲終楚成十三年子印被殺列國卿士無不先其父兄傳之事豈有其子見傳已十八年其父段被殺無間為人所殺而不報一聞者乎且印段為子印之子當稱公孫段因與子印之伯有同姓不應同時有兩公孫段故稱印段以別之若黑肱是子印子而黑肱之子印則印段乃是正稱則得而稱印以別之乎或謂杜以黑肱為穆公孫必有所據不知鄭之公孫世系無有若黑肱此公孫則公孫後此公孫中出月何公杜注未詳安見黑肱之必為穆公孫乎黑肱之為穆公孫黑肱仍付之缺疑而已

宋世系第十

。學

閔公 厲公

恭公 恭公

弗父何

孟考公 孟考公

今季仲

孫

仲江

仲

仲

今季明

孫

孫

孫

孫

孫

孫

今季成

孫

孫

孫

孫

孫

孫

今季夷

孫

孫

孫

孫

孫

孫

子游

孫

孫

孫

孫

孫

孫

孫

孫

孫

孫

孫

孫

孫

穆公

莊公

閔公

穆公

莊公

閔公

老佐

成公

昭公

宣公

平公

昭公

景公

昭公

昭公

昭公

昭公

金孫

金孫

金孫

金孫

皇父无石

皇祖父

皇叔  
皇叔  
皇叔

華奇

華柳平 華元

華開

華北

華威

皇弟

皇弟

華綽

華叔

華叔

華叔

華叔

華叔

華叔

華叔

樂叔

樂叔

樂叔

樂叔

樂叔

樂叔

樂叔

樂叔

樂叔

樂叔

聊叔章 孔子

案公族諸樂皇老出自戴公仲氏出自莊公係繼嗣  
由月相公向氏一稱祖氏繼氏出自文公續嗣氏出自共  
公武魯二族名不見於傳文十八年文公盡攻而用之  
孔氏出自前則公父事後皆其子孫亦樂公事人矣

案樂二氏  
人最難辨本  
世次每多失  
考今就見傳  
先後叙公之  
似早稍順





# 杞世系第十二

東樓公

武公  
靖公  
共公  
德公  
威公

桓公  
宣公

文公

平公  
悼公  
隱公

僖公  
襄公

案杞禹之後  
武王封東樓  
公於杞以奉  
夏祀至武公  
入春秋降稱  
伯又降稱子

經傳杞君書罕自  
成公始且傳文明  
曰威公而說家乃  
以史記無此一代  
為疑立傳文反不  
足為據耶

史世家東樓公  
四傳至武公父  
子相及在位各  
五六十餘年  
謂其必有疑誤  
疑是附記於此

齊世系第十三

太公丁公

太公季

子

桓天 桓杆

桓明 桓成 桓桓

桓元

桓桓 桓桓 桓桓

桓桓

桓桓

莊公 僖公 昭公 宣公

懿公

懿公

懿公

懿公

懿公

懿公

懿公

懿公

懿公

懿公

懿公

懿公

懿公

懿公 懿公 懿公

懿公

懿公


懿公

懿公





化完



宋德公族闕氏成氏出自若放闕氏一作為氏出自蚡自陽氏出自穆王沈氏襄氏出自莊王屈氏亦楚公族荀卨屈氏為武子以傳文考之不足信今另列異姓有申氏潘氏伍氏觀氏莫氏詳所出附錄之

# 秦世系第十五

。非

秦文公 秦

。非

穆公 公子孫

。非

成公

康公

恭公

桓公

景公

襄公

惠公

悼公

。非

穆公

。非

案秦穆公之孫子孫封非子為附庸五傳至襄公封西戎有功進封伯也子文公入春秋若此則見傳世亦無可考

# 許世系第十六

。文叔

。非

。非

穆公

僖公

昭公

悼公

。非

元公

世子止

文叔封許十一世至莊公入春秋定六年鄭滅許以其君斯歸楚復封之又有元公

薛世系第十七

○釋

藥

藥

欽公 藥公 比 惠

案薛始祖奚仲自夏封至殷有仲地歷一千二百餘年入春秋初稱侯後降稱伯爾小世次無辨自獻公已下可考有得四君焉

薛世系第十八

○茲與

草

藥公 紀公 渠公 嬰公

太子儀

慶與

莒公

恭公 懿公 莒公

案自茲與(即)封十一世入春秋世次未詳藥公以後方可考

公子 莒公



邾世系第十九 小邾附

○ 襄

襄 襄

襄

襄

公

襄

襄

襄

襄

襄

襄

襄

何

襄

襄

何

小邾

越世系第二十

○ 襄

公

世系圖終

案越世系少微子孫歷年餘年入春秋又二百八十餘年无常

案周初封曹侯於邾為附庸主夷父又封其少子友於邾即小邾亦附庸也入春秋皆連魯為子小邾若甚少從邾史附錄於邾

春秋左傳釋人年表

河內范照藜乙青訂

王朝世表

案王氏六經圖考列王朝世表於二十國年表之前  
不與諸侯爲伍所以明尊王之義也

平王在位五十一年

桓王在位二十三年

莊王在位十五年

僖王在位五年

惠王在位二十五年

左傳卷八  
襄王在位三十三年

頃王在位六年

匡王在位六年

定王在位二十一年

簡王在位十四年

靈王在位二十七年

景王在位二十五年

王子猛四月立十月卒

敬王在位十四年

案平王四十九年入春秋敬王三十九年春秋終

## 二十國年表

案王氏六經圖考改史記年表之橫行爲直行又別爲王朝世表不使用周與列國並列而列國年表用大全本增燕爲二十國寔之以周而不數周庶合史法其說甚當顧燕自穆侯以下十八君見傳者止一簡公年代先後與史記迴不相合越君雖少見於經傳者七十年事蹟較多藜筴釋人一書專考經傳中之人故舍燕增越仍備二十國之數焉

**隱** 始元年己未終十一年己巳諡法不尸其位曰隱

周 平王四十九年終五十一年桓王元年至八年

吳 成七年始見經爲吳子壽夢方可紀年

蔡 宣公二十八年終三十五年桓侯元年至三年

曹 桓公三十五年至四十五年

衛 桓公十三年終十六年宣公元年至七年

滕 隱七年滕侯卒爲滕莊公至宣九年文公立方可紀

年

晉 鄂侯二年終六年哀侯元年至六年曲沃莊伯十

年終十七年武公元年至四年

鄭 莊公二十二年至三十二年

宋 穆公七年終九年殤公元年至八年

陳 桓公二十三年至三十三年

杞 武公二十九年至三十九年

齊 僖公九年至十九年

秦 文公四十四年終五十年寧公元年至四年

楚 武王十九年至二十九年

許 隱十一年許莊公出奔始見經傳至桓十五年許叔

入是爲穆公年譜方可紀

薛 隱十一年始見經傳至昭三十一年薛獻公卒年譜

左傳釋人年表

三

如不及

方可紀

莒 隱二年傳稱莒子至文十八年庶其後年譜方可紀

邾 隱元年見經傳儀父名克後稱子

邾 莊五年邾犁來始見經傳後改號曰小邾稱子年譜

不可詳考

越 昭五年始見經傳是爲允常後方可紀

**桓**

始元年庚午終十八年丁亥諡法辟土服遠曰桓

周

桓王九年終二十三年莊王元年至三年

蔡

桓侯四年終二十年哀侯元年

曹

桓公四十六年終五十五年莊公元年至八年

衛

宣公八年終十九年惠公元年至四年奔齊黔牟元

年至二年

晉

哀侯七年終九年爲武公五年至七年小子侯元年

終四年爲武公八年至十一年侯緡元年至十一年

爲武公十二年至二十二年

鄭

莊公三十三年終四十二年厲公元年至四年奔晉



昭公元年終二年子亹一年

宋 殤公九年終十年莊公元年至十六年

陳 桓公三十四年終三十八年厲公元年終七年莊公元年至六年

杞 武公四十年終四十七年靖公元年至十年

齊 僖公二十年終三十三年襄公元年至四年

秦 寧公五年終十二年出子元年終六年武公元年至四年

楚 武王三十年至四十七年

許 穆公元年至四年

**莊**

始元年戊子終三十二年己未諡法勝敵克亂曰莊

**周**

莊王四年終十五年僖王元年終五年惠王元年至

十五年

**蔡**

哀侯二年終二十年穆侯元年至十三年

**曹**

莊公九年終三十一年僖公元年終九年

**衛**

黔牟三年終八年被放惠公復入又十九年懿公元

年至七年

**晉**

侯緡十二年終二十七年爲武公二十三年至三十

八年武公并晉爲諸侯終三十九年獻公元年至十

五年

鄭 子儀元年終十四年厲公復入又七年文公元年至

十二年

宋 莊公十七年終十八年閔公元年終十年桓公元年

至二十年

陳 莊公終七年宣公元年至三十一年

杞 靖公十一年終二十三年共公元年終八年德公元

年至十一年

齊 襄公五年終十二年桓公元年至二十四年

秦 武公五年終二十年德公元年終二年宣公元年終

十二年成公元年至二年

楚 武王四十八年終五十一年文王元年終十五年堵

敖元年終三年成王元年至十年

許 穆公五年至三十六年

邾 莊十六年儀父卒入春秋計四十四年子瑱元年終

十二年文公元年至四年

閔 始元年庚申終二年辛酉諡法在國遭難曰閔

周 惠王十六年至十七年

蔡 穆侯十四年至十五年

曹 昭公元年至二年

衛 懿公八年終九年戴公立未踰年卒

晉 獻公十六年至十七年

鄭 文公十二年至十三年

宋 桓公二十一年至二十二年

陳 宣公三十二年至三十三年

杞 德公十二年至十三年

齊桓公二十五年至二十六年

秦成公三年終四年

楚成王十一年至十二年

許穆公三十七年至三十八年

邾文公五年至六年

**僖**

始元年壬戌終三十三年甲午諡法小心畏忌曰僖

周

惠王十八年終二十五年襄王元年至二十五年

蔡

穆侯十六年終二十九年莊侯元年至十九年

曹

昭公三年終九年共公元年至二十六年

衛

文公元年終二十五年成公元年至八年

晉

獻公十八年終二十六年惠公元年終十四年懷公

一年文公元年終八年襄公元年

鄭

文公十四年終四十五年穆公元年

宋

桓公二十三年終三十一年襄公元年終十四年成

公元年至十年

陳 宣公三十四年終四十五年穆公元年終十六年共

公元年至五年

杞 德公十四年終十八年成公元年終十八年桓公元  
年至十年

齊 桓公二十七年終四十二年孝公元年終十年昭公  
元年至六年

秦 穆公元年至三十三年

楚 成王十三年至四十五年

許 穆公三十九年終四十二年僖公元年至二十九年

邾 文公七年至三十九年



文

始元年乙未終十八年壬子諡法慈惠愛民曰文

周 襄王二十六年終三十三年頃王元年終六年匡王

元年至四年

蔡 莊侯二十年終三十四年文侯元年至三年

曹 共公二十七年終三十五年文公元年至九年

衛 成公九年終二十六年

晉 襄公二年終七年靈公元年至十二年

鄭 穆公二年至十九年

宋 成公十一年終十七年昭公元年終九年文公元年

至二年

陳 共公六年終十八年靈公元年至五年

杞 桓公十一年至二十八年

齊 昭公七年終二十年懿公元年終四年

秦 穆公三十四年終三十九年康公元年終十二年

楚 成王終四十六年穆王元年終十二年莊王元年

五年

許 僖公三十年終三十四年昭公元年至十三年

邾 文公四十年終五十二年定公元年至五年

**宣**

始元年癸丑終十八年庚午諡法善問周達曰宣

周

匡王五年終六年定王元年至十六年

蔡

文侯四年終二十年景侯元年

曹

文公十年終二十三年宣公元年至四年

衛

成公二十七年終三十五年穆公元年至九年

滕

文公元年至九年

晉

靈公十三年終十四年成公元年終七年景公元年

至九年

鄭

穆公二十年終二十二年靈公一年襄公元年至十

四年

宋 文公三年至二十年

陳 靈公六年終十五年成公元年至八年

杞 桓公二十九年至四十六年

齊 惠公元年終十年頃公元年至八年

秦 共公元年終四年桓公元年至十四年

楚 莊王六年終二十三年

許 昭公十四年終三十年靈公元年

莒 季佗元年至十八年

邾 定公六年至二十三年

**成**

始元年辛未終十八年戊子法安民立政曰成

周

定王十七年終二十一年簡王元年至十三年

吳

壽夢元年至十三年

蔡

景公二年至十九年

曹

宣公五年終十七年成公元年至五年

衛

穆公十年終十一年定公元年終十二年獻公元年

至四年

滕

文公十年終二十五年成公元年至二年

晉

景公十年終十九年厲公元年終八年

鄭

襄公十五年終十八年悼公元年終二年成公元年

至十二年

宋 文公二十一年終二十二年共公元年終十三年平

公元年至三年

陳 成公九年至二十六年

杞 桓公四十七年至六十四年

齊 頃公九年終十七年靈公元年至九年

秦 桓公十五年終二十八年景公元年至四年

楚 共王元年至十八年

許 靈公二年至十九年

莒 季佗十九年終三十二年黎比公元年至四年

邾 定公二十四年終四十年宣公元年

**襄**

始元年己丑終三十一年己未諡法因事有功曰襄

周

簡王終十四年靈王元年終二十七年景王元年

三年

吳

壽夢十四年終二十五年諸樊元年終十三年餘祭

元年終四年夷末元年至二年

蔡

景侯二十年終四十九年靈侯元年

曹

成公六年終二十三年武公元年至十三年

衛

獻公五年至十八年奔齊殤公元年終十二年獻公

復入又三年襄公元年至二年

滕

成公三年至三十三年



晉 悼公元年終十五年平公元年至十六年

鄭 成公十三年終十四年僖公元年終五年簡公元年  
至二十四年

宋 平公四年至三十四年

陳 成公二十七年終三十年哀公元年至二十七年

杞 桓公六十五年終七十年孝公元年終十七年文公  
元年至八年

齊 靈公十年終二十八年莊公元年終六年景公元年  
至六年

秦 景公五年至三十五年

楚 共王十九年終三十一年康王元年終十五年邲

元年至三年

許 靈公二十年終四十五年悼公元年至五年

莒 黎比公五年終三十五年

邾 宣公二年終十八年悼公元年至十四年

邾 襄七年穆公朝魯立年未詳

**昭** 始元年庚申終三十二年辛卯謚法威儀恭明日昭

周 景王四年終二十五年敬王元年至十年

吳 夷末三年終十七年僚元年終十二年閔廬元年

五年

蔡 靈侯二年終十二年楚滅蔡一年無君平侯元年終八年悼

侯元年終三年昭侯元年至九年

曹 武公十四年終二十七年平公元年終四年悼公元

年終九年聲公元年終五年

衛 襄公三年終九年靈公元年至二十五年

滕 成公三十四年終三十六年悼公元年終二十五年

頃公元年至四年

晉 平公十七年終二十六年昭公元年終六年頃公元  
年終十四年定公元年至二年

鄭 簡公二十五年終三十六年定公元年終十六年獻  
公元年至四年

宋 平公三十五年終四十四年元公元年終十五年景  
公元年至七年

陳 哀公二十八年終三十五年

楚滅陳四年無君

惠公元年至

二十年

杞 文公九年終十四年元公元年終十八年悼公元年

至八年

齊景公七年至三十八年

秦景公三十六年終四十年哀公元年至二十七年

楚  
郕敖終四年靈王元年終十二年平王元年終十三年昭王元年至六年

許悼公六年終二十四年男斯元年至十三年

薛昭三十一年獻公卒立年不可考襄公元年

莒  
著邱公元年終十四年共公元年終九年奔魯郊公元年至九年

邾悼公終十五年莊公元年至三十一年

邾 昭十七年穆公又朝魯距襄七年已四十二年矣

越 昭五年見經傳時允常在位立年未詳

**定** 始元年壬辰終十五年丙午諡法安民大慮曰定

周 敬王十一年至二十五年

吳 閔廬六年終十九年夫差元年

蔡 昭侯十年至二十四年

曹 隱公元年終四年靖公元年終四年伯陽元年至七

年

衛 靈公二十六年至四十年

滕 頃公五年至十九年

晉 定公三年至十七年

鄭 獻公五年終十三年聲公元年至六年

宋 景公八年至二十二年

陳 惠公二十一年終二十四年懷公元年終四年閔公

元年至七年

杞 悼公九年終十二年僖公元年至十一年

齊 景公三十九年至五十三年

秦 哀公二十八年終三十六年惠公元年至六年

楚 昭王七年至二十一年

許 斯十四年終十九年爲鄭所滅楚又立元公元公元

年至九年


薛 襄公二年終十三年比一年惠公元年至二年



莒 郊公十年至二十四年

邾 莊公三十二年終三十四年隱公元年至十二年

越 定十四年允常卒句踐元年

 始元年丁未終二十七年癸酉經止十四年庚申諡  
法恭仁短折曰哀

周 敬王二十六年終四十四年元王元年至八年

吳 夫差二年終二十三年爲越句踐所滅

蔡 昭侯二十五年終二十八年成侯元年至二十三年

曹 伯陽八年終十五年爲宋景公所滅

衛 靈公四十一年終四十二年出公元年至十三年奔

魯莊公元年終二年起一年出公復入又七年奔越

悼公元年至二年

滕 頃公二十年終二十三年隱公元年終七年後未詳

晉 定公十八年至四十四年

鄭 聲公七年至三十三年

宋 景公二十三年終四十八年昭公得元年

陳 閔公八年終二十四年爲楚惠王所滅

杞 僖公十二年終十九年閔公元年至十九年

齊 景公五十四年終五十八年安孺子一年悼公元年

終四年簡公元年終四年平公元年至十三年

秦 惠公七年終九年悼公元年終十五年厲公元年至

九年

楚 昭王二十二年終二十七年惠王元年至二十一年

許 元公十年終二十二年以後未詳

薛 惠公三年終十二年以後未詳

莒 郊公卒年未詳哀十四年莒子狂卒

邾 隱公十三年至二十年奔魯又自齊奔越太子革爲

政十四年奔越隱公復位又二年越人執之立公子

何何元年至三年

越 句踐二年至二十八年

春秋左傳釋人卷一

河內范照藜乙青卷

王朝世次

姬姓黃帝之苗裔后稷之後也后稷封於邰子不窋  
失其官竄於西戎不窋孫公劉徙居邠傳十二世至  
大王去邠邑於岐山之陽文王受命作邑於豐武王  
克商而有天下定都於鎬至平王東遷王城敬王又  
遷成周平王四十九年入春秋敬王三十九年獲麟  
之歲也春秋後九傳二百二十年至赧王爲秦所滅  
平王  
名宜臼幽王子四十九年魯隱公立是年秋使宰咺

如魯歸惠公仲子之賵隱三年崩在位五十一年

桓王

名林平王孫太子洩父子初立與鄭伯寤生以子交  
質又使武氏子求賻於魯隱五年曲沃伯伐翼王使  
諸卿助之翼侯奔隨繼而曲沃叛又命虢公伐之而  
立哀侯於翼七年使凡伯聘魯九年使南季聘魯桓  
四年使宰渠伯糾聘魯五年使仍叔之子聘魯因鄭  
伯不朝以蔡衛陳之師伐之敗於緡葛鄭祝聃射王  
中肩王室之卑至是而極八年使家父聘魯使祭公  
自魯逆王后於紀命虢仲立晉哀侯之弟緡九年紀  
季姜歸於京師十五年使家父求車於魯是年崩在

位二十三年至魯莊三年始薨

莊王

名佗桓王子桓十八年周公黑肩謀弑王立王子克  
王殺周公克奔燕莊元年使單伯送王姬於齊又使  
榮叔追錫魯侯命六年子突救衛十一年王姬歸於  
齊十二年崩在位十五年

僖王

名胡齊莊王子莊十三年齊侯小白始圖伯十四年  
使單伯會伐宋又會諸侯于鄆蓋齊桓諸會王臣所  
以尊天子也十六年曲沃伯伐晉侯緡滅之王使虢  
仲命之爲晉侯十七年崩在位五年

惠王

名閔僖王孫莊十八年虢公晉侯朝王使原莊公逆

王后於陳十九年王子頹作亂二十年王避居鄭處  
於櫟二十一年虢公鄭伯殺頹納王二十七年使召  
伯廖賜齊侯小白爲侯伯三十年使虢公討樊皮執  
之僖五年諸侯會王太子鄭於首止蓋王因惠后愛  
少子帶有奪嫡之意故齊桓帥諸侯會太子以定其  
位八年崩在位二十五年 案惠王躬受子頹之禍  
又寵帶以禍其子王室日衰其亦自貽伊戚也夫  
襄王

名鄭惠王子僖五年會諸侯於首止而位始定七年  
惠王崩秘不發喪告難於齊爲洮之盟王室安而後  
發喪卽位九年使宰孔會諸侯於葵邱賜齊侯胙十



年使周公忌父會齊臣立晉侯夷吾十一年王子帶召戎伐王明年王討子帶帶奔齊十三年諸侯成王十六年以戎難告齊齊徵諸侯再成王十七年齊侯小白卒二十二年召帶於齊二十四年帶作亂王避之出居於鄭明年晉侯重耳納王殺帶二十八年晉侯敗楚於城濮王自往勞之晉作王宮於踐土帥諸侯朝王王使卿大夫三官命晉侯爲侯伯已而晉執衛侯歸之京師三十年王釋衛侯使宰周公聘魯三十一年晉侯重耳卒文元年使叔服如魯會葬又使毛伯錫命於魯五年使榮叔如魯歸成風含且賻又

使召伯如魯會葬八年崩在位三十三年

頃王

名壬臣襄王子文九年使毛伯求金於魯十四年崩  
周公閱王孫蘇爭政故不告喪於諸侯在位六年

匡王

名班頃王子文十七年甘欸敗戎於邲垂宣二年崩  
在位六年

定王

名瑜匡王弟宣三年使王孫滿勞楚子對其問鼎六  
年使子服求后於齊召桓公逆之九年徵聘於魯十  
年使王季子如魯報聘十五年王孫蘇與召毛二氏  
爭政殺二卿十六年晉侯使士會獻狄俘王命之將  
中軍且爲大傅夏成周宣榑火已而王室復亂晉士

會平王室成元年伐莒戎王師敗績二年晉敗齊於  
鞏使鞏朔獻捷於王王責之五年崩在位二十一年  
簡王  
名夷定王子成八年使召伯賜命於魯十一年周公  
楚與伯與爭政不勝奔晉晉卻至爭鄆田王使劉單  
二卿訟之於晉十三年諸侯伐秦過周朝王王使劉  
成二卿從之十五年晉執曹伯歸之京師十六年釋  
曹伯晉敗楚於郟陵使卻至獻捷於王十七年使尹  
單二卿會諸侯伐鄭襄元年崩在位十四年

靈王

名泄心簡王子生而有頡囊三年使單子會諸侯盟  
於雞澤五年使王叔陳生慰戎於晉晉人執之十年

陳生與伯與爭政不勝奔晉十一年晉侯周三駕服  
鄭十二年求后於齊十四年使劉夏賜齊侯命十五  
年劉單同逆王后於齊十九年追賜鄭大夫公孫蕢  
大路二十二年燕掠晉欒黶二十四年齊侯爲王城  
郊葢因穀洛闕而王宮毀也魯叔孫豹如京師賀王  
王賜之大路二十八年崩在位二十七年

景王

名遣靈王子襄二十九年鄭伯使印段如周葬靈王  
三十年殺其弟佞夫王子瑕等奔晉昭元年使劉夏  
勞晉趙武於潁七年衛侯惡卒告喪於王王使成簡  
公用之且追賜之命九年晉閻嘉與甘大夫爭田梁

丙等以戎伐王王使詹桓伯責晉晉侯使趙成如周  
謝過致閭田反潁俘十五年夏天子壽卒秋王穆后  
崩冬晉荀躒如周葬穆后王以不貢葬器責晉二十  
一年錡無射之讎二十二年崩在位二十五年是時  
王已立子猛因子朝有寵欲更立之未果而崩子朝  
遂作亂召氏毛氏等助之王室大亂

悼王

名猛景王子王崩單劉二卿共立之王子朝作亂單  
劉以之出居於皇旣而入於王城冬十月卒 案猛  
立未踰年故經不稱王不言崩其實周以王禮尊之  
矣故據傳書之曰悼王所以明子朝之不得爲正也

敬王

名匄悼王母弟王崩單劉立之昭二十三年避王子

朝之亂居於狄泉稱東王尹氏立子朝居王城稱西

王於是王室分爲二焉二十四年晉侯去疾使士彌

牟如周問二王曲直乃辭子朝而謀納王二十五年

諸大夫會於黃父晉趙鞅令諸侯輸粟具戍約以明

年納王二十六年晉知躁趙鞅以師納王王入於成

周尹氏召氏毛伯以王子朝奔楚二十七年晉人致

諸侯之戍於王三十二年使人請城成周於晉晉魏

舒如京師合諸大夫於狄泉謀之定元年諸大夫共

城成周三旬而功畢因宋仲幾不受功晉人執之京

師四年使劉卷合諸侯於召陵謀伐楚六年朝餘黨  
儋翩作亂王避之處於姑蘄七年單劉二卿逆王晉  
籍秦送王王室始安十四年使石尙歸服於魯哀十  
三年使單平公會諸侯於黃池十四年魯西狩獲麟  
春秋終十六年衛蒯聵以入國告於王夏魯孔子卒  
十九年崩在位四十四年 案敬王崩于元王仁立  
又八年魯哀公終於越附錄於此

諸侯世次上

魯世次

姬姓侯爵周文王第四子武王同母弟周文公旦所  
封也周公位冢宰留相天子封其長子伯禽爲魯侯  
都於曲阜十三世至隱公元年而春秋作歷二百四  
十二年爲哀公十四年西狩獲麟春秋以終後又九  
君至頃公爲楚考烈王所滅

隱公

名息姑惠公長庶子母聲子元年周平王使宰咺來  
歸惠公仲子之賵二年桓公生母仲子卒三年公母  
聲子卒五年矢魚于棠九月考仲子之宮初獻六羽



十一年滕薛二國來朝公及齊侯鄭伯入許是年公  
子聶請爲公殺桓公公不許聶懼與桓公謀遂弑公  
在位十一年

桓公

名軌一名允惠公庶子母仲子弑兄自立二年宋華  
督弑其君公會齊侯陳侯鄭伯於稷以平宋亂納宋  
賂卻遷於太廟三年使羽父逆夫人文姜於齊六年  
子國生十八年公與文姜同如齊齊襄公通於文姜  
公知而責之文姜懼與襄公謀使公子彭生殺公於  
車在位十八年

莊公

名同桓公子母文姜元年文姜孫于齊九年齊襄公

被弑公伐齊納公子糾不克敗績于乾時十年齊伐  
魯公用曹劌謀敗之長勺十三年齊桓公爲北杏之  
會始圖伯冬及齊平盟於柯十五年會諸侯同盟于  
幽二十二年文姜薨冬公如齊納幣二十三年如齊  
觀社二十四年如齊逆女八月哀姜至二十五年公  
女伯姬歸於杞二十七年會諸侯同盟于幽冬杞伯  
姬來歸寧宮大夫慶來逆公女叔姬三十二年爲齊  
管仲城小穀公疾公子友使人酖死公子牙八月公  
薨在位三十二年

閔公

名啟方一名開莊公子哀姜姊叔姜所生莊公薨公

子慶父殺子般而立之元年齊仲孫來省難嫡母哀  
姜通於慶父欲立之慶父使卜繇弒公在位二年  
案公弒成季遂以僖公適邾慶父亦懼罪奔莒成季  
入魯立僖公慶父使人請罪不許自縊而死哀姜孫  
於邾齊人殺之以其尸歸僖公請而葬之

僖公

名申莊公庶子閔公庶兄母成風以公屬成季故成  
季立之元年成季獲莒擊公賜之汶陽之田及費三  
年成季如齊蒞盟四年公會諸侯侵蔡伐楚盟楚屈  
完於召陵五年杞伯姬來寧成風十年公始朝於齊  
十一年公及夫人姜氏會諸侯於陽穀十四年鄆季

姬來寧十六年成季卒十七年滅項齊止公聲姜會  
齊侯於卞請而釋之二十一年邾滅須句其君因成  
風奔魯明年公伐邾取須句反其君秋邾師至公禦  
之敗績二十六年齊孝公伐魯公使展喜犒其師說  
而退之已而乞師於楚以伐齊取穀二十八年晉敗  
楚於城濮文公始伯襄王往勞晉君晉作王宮公兩  
朝於王所三十年使公子遂聘於周始聘於晉三十  
一年臧孫辰如晉分得曹濟西田又二年公薨在位  
三十三年

文公

名興僖公子母聲姜元年周襄王使毛伯來錫公命

叔孫得臣如京師謝王二年躋僖公四年逆婦姜於齊冬公祖母成風薨六年閏月公不視朔八年公孫敖奔莒九年夫人姜氏歸寧於齊十四年公會諸侯同盟新城十六年五月公四不視朔秋公母聲姜薨又二年公薨在位十八年

宣公

名倭一名接文公庶子母敬贏公子遂殺太子惡及視而立之夫人姜氏大歸於齊元年公子遂爲公逆婦姜於齊使季孫行父賂齊以濟西之田五年齊高固來逆叔姬八年公子遂卒公母敬贏薨九年周匡王來徵聘孟孫蔑聘於周十年齊人歸濟西田十五

成公

年初稅畝十七年公會諸侯同盟斷道明年公孫歸父與公謀將以晉人去三桓聘於晉未返而公薨季孫等共逐歸父國政自是漸歸三桓矣在位十八年名黑肱宣公之母穆姜元年作邱甲二年季孫行父等共帥師會晉卻克等敗齊於鞏齊人歸汶陽之田冬公會楚公子嬰齊於蜀使公衡爲質已而逃歸四年朝於晉因晉侯不敬公歸欲叛晉行父諫而止五年公會諸侯同盟蟲牢八年周簡王使召伯來賜公命九年公會諸侯同盟于蒲公妹伯姬歸於宋十三年公會諸侯伐秦過京師及諸侯朝王十四年叔孫

僑如爲公逆婦姜於齊十五年公會諸侯同盟於戚  
十六年僑如欲去季孟使穆姜命公公使孟孫蔑守  
國自與行父會晉伐鄭因而後期僑如賂晉卻犇使  
訴公於晉晉侯不見公且執行父公使子叔嬰齊請  
行父晉釋而歸之僑如懼罪奔齊立其弟叔孫豹公  
還殺公子偃十七年公會尹子單子及諸侯伐鄭同  
盟柯陵冬再會諸侯伐鄭明年公薨在位十八年

襄公

名午成公子母定姒四歲卽位二年嫡母齊姜薨三  
年公會單子諸侯同盟雞澤四年公母定姒薨九年  
公祖母穆姜薨冬公會諸侯同盟於戲公送晉侯還

及衛冠於成公之廟十年公會諸侯伐鄭十一年作  
三軍三分公室三桓各有其一公室遂卑夏公兩會  
晉悼公伐鄭於是三駕鄭服十八年公會諸侯同圍  
齊十九年晉以邾田歸魯二十一年邾庶其來奔季  
孫宿以公姑姊嫁之明年孔子生二十三年臧孫紇  
奔邾二十五年公會諸侯同盟重邱二十七年叔孫  
豹會諸大夫於宋晉楚分伯二十八年公如楚二十  
九年公還自楚中道聞季孫取卞謂其疏已將不入  
榮成伯貳式微乃歸三十年叔弓如宋葬共夫人伯  
姬明年公作楚宮六月公薨在位三十一年



昭公

名稠襄公子母齊歸子野以段卒季孫宿立之居喪

不哀元年叔孫豹會諸大夫於穀五年會中軍四分  
公室季氏取二孟叔各取一而公僅守府矣七年公  
如楚十一年公母齊歸薨十二年公子慙謀逐季氏  
不克奔齊十三年公會劉子諸侯於平邱晉侯信邾  
莒之訴公不與盟且執季孫意如以歸明年晉釋意  
如二十二年周景王崩叔鞅如周會葬王室大亂二  
十三年叔孫婼如晉被執明年晉釋婼二十五年叔  
詣會諸大夫於黃父謀王室公與臧孫邠孫謀逐季  
孫不克公孫於齊叔孫婼因納公不遂其志祈死而

卒自是國政盡歸季氏矣二十六年公居鄆齊師從  
公伐魯不克二十七年宋衛諸大夫會於扈將納公  
晉士鞅取貨於季氏而止孟孫何忌陽虎伐公於鄆  
二十九年齊侯使高張唁公於鄆公如晉次於乾侯  
三十一年晉侯使荀躒會意如同唁公於乾侯且納  
公公爲公徒所制不克歸明年公薨在位二十四年  
孫於外八年共三十二年

定公

名宋襄公子昭公弟意如廢昭公太子立之元年昭  
公之喪歸葬於魯四年公會劉子及諸侯於召陵侵  
楚公與諸侯盟於皐鼫五年意如卒家臣陽虎專政

左傳卷八 宣公八年  
因其子斯於是陪臣當國季氏衰弱而國勢又一變  
矣六年冬陽虎盟公及三桓於周社七年齊人歸鄆  
陽關陽虎居之以爲政八年陽虎與季寤等謀代三  
桓殺季孫不克竊寶玉大弓入讎陽關以叛九年陽  
虎歸寶玉大弓奔齊十年公會齊侯於夾谷孔子相  
禮齊人來歸汶陽之田十一年及鄭平始叛晉十二  
年叔孫墮郈季孫墮費孟孫不墮成公圖之弗克十  
四年周敬王使石尙來歸服明年夏公薨秋夫人定  
嬀卒在位十五年

哀公

名蔣定公子四年桓宮僖宮災七年公會吳子於郕

秋伐邾執邾子以歸八年吳伐魯乃歸邾子十一年  
公會吳伐齊敗齊於艾陵十二年用田賦昭夫人孟  
子卒十三年公會單平公及晉侯吳子於黃池十四  
年春西狩獲麟春秋終冬齊陳恒弑其君壬孔子請  
伐齊公不能從十五年成叛附於齊冬齊人歸成十  
六年夏孔子卒公誅之十九年周敬王崩叔青如京  
師會葬二十三年叔青始如越越諸鞅來報聘二十  
四年晉侯乞師伐齊臧石會之公子荆之母嬖立爲  
夫人以荆爲大子閏月公如越明年公歸自越益與  
三家相惡其後公欲以越伐魯去三家不克遂孫於

邾自邾如越竟卒於越在位二十七年

吳世次

姬姓子爵周大王次子仲雍之後大伯偕仲雍奔荊  
蠻大伯卒無子仲雍嗣立三傳至周章武王克商因  
封之吳又十四世至壽夢僭稱王魯成公七年始見  
經傳夫差十五年獲麟之歲也又八年爲越所滅  
壽夢

是時楚亡臣巫臣自晉如吳教之叛楚使其子爲吳  
行人通吳於晉吳於是伐楚伐巢伐徐入州來凡蠻  
夷屬楚者吳盡取之十五年會中夏諸大夫於鍾離

襄三年楚子重伐吳吳要而擊之獲鄧廖晉侯使荀  
會來逆於淮上不果行五年使壽越如晉請會晉侯  
使魯衛大夫先來會於善道秋會諸侯於戚十年會  
諸侯於柤十二年卒見傳已來共二十四年

諸樊

一名過壽夢長子襄十三年侵楚爲楚所敗十四年  
會諸大夫於向秋楚伐吳吳人敗之二十四年召舒  
鳩人叛楚明年伐楚巢門小臣射而殺之在位十三  
年

餘祭

一名載諸樊弟襄二十九年使季札聘於上國未幾  
爲閹人所弑在位四年

夷末

一名餘昧餘祭弟襄三十一年使屈狐庸聘於晉以通路昭四年楚靈以諸侯伐吳圍朱方冬吳伐楚以報之五年楚靈又以諸侯伐吳使弟馮由犒楚師楚執以歸六年敗楚遣罷獲棄疾十三年敗楚圍徐之師獲其五帥十五年卒在位十七年

僚

夷末子昭十七年與楚戰於長岸十九年馮由自楚歸二十年楚伍員來奔二十三年敗楚與諸侯之師於雞澤獲胡沈之君及陳夏徵舒秋取楚平夫人於鄢以歸二十四年滅巢與鍾離二十七年使二公子伐楚使季札聘於上國從兄公子光使鱣設諸刺而弑

之在位十二年

閻廬

名光諸樊子弑僚自立昭三十年滅徐三十一年始用伍員謀伐楚明年始伐越定二年敗楚於豫章四年爲蔡伐楚入其都楚昭出奔六年大子敗楚舟師十四年伐越受傷而卒在位十九年

夫差

閻廬子哀元年伐越越賂大宰嚭以行成伍員諫不聽秋侵陳修舊怨六年復伐陳七年會魯於鄆徵百半八年爲邾伐魯十一年伐齊敗之艾陵獲其帥冬賜伍員死十三年會魯晉於黃池越人吳殺其大子明年魯西狩獲麟春秋終十七年越伐吳吳師大敗



二十年越圍吳晉趙孟使楚隆弔之二十二年爲越所滅自縊而死在位二十三年吳於是乎遂亡

蔡世次

姬姓侯爵武王同母弟叔虞所封也武王克商封叔虞於蔡以罪廢其子胡卒德改行周公復封之傳十世至宣公入春秋又十一傳成侯十年春秋終後爲楚所滅

宣公

名考父戴侯子二十八年入春秋隱四年師從衛伐鄭八年卒在位三十五年

桓侯

名封人宣公子隱三年與宋衛伐戴桓二年與鄭莊

公會於鄧謀備楚五年從王伐鄭十一年使蔡叔會諸侯於折十六年會諸侯伐鄭十七年卒在位二十年

哀侯

名獻舞桓侯子莊十年楚敗蔡師執之以歸十三年大夫從齊桓公會北杏十四年楚入蔡十九年卒於楚在位十一年是楚九年凡二十年 案杜氏以哀侯卽蔡季爲桓侯弟謬甚

穆侯

名肸哀侯子僖四年齊桓公以諸侯侵蔡六年以許僖公見楚子十四年卒在位二十九年

莊侯

名甲午穆侯子僖二十一年會宋楚諸侯於孟二十

七年從楚圍宋二十八年晉文公敗楚於城濮叛楚  
從晉盟於踐土文十年與楚子次於穀穀十五年晉  
人因其不與新城之盟卻缺伐之入蔡冬會諸侯盟  
於扈未幾卒在位三十四年

文公

名申莊侯子宣十七年卒在位二十年

景公

名圉文公子成二年從楚救齊與許君皆幼楚子重  
俱強寇之六年晉欒書救鄭遺侵蔡襄八年鄭人侵  
蔡獲公子變邢邱之會獻於晉晉人歸之二十年變  
欲叛楚事晉被殺其弟公子履奔楚二十四年從楚  
伐鄭二十七年公孫歸生會晉楚諸大夫盟於宋南

北分伯二十八年朝晉通於大子般之妻三十年爲  
般所弑在位四十九年 案前有衛宣後有楚平與  
此公皆所謂淫而不父也而此公獨得子禍何耶

靈侯

名般景公子弑父自立昭元年歸生會晉楚大夫於  
甯四年從楚子會於申又從之伐吳十一年楚靈誘  
而殺之在位十二年 是年秋楚圍蔡晉使狐父請  
蔡於楚不許冬楚滅蔡執大子有用之以祀岡山

平公

名盧靈侯孫大子有子昭十三年楚平復封蔡立之  
十五年胡吳奔鄭二十年卒在位八年

悼侯

名東國亦大子有子平公弟國人出大子朱而立之

昭三十三年卒於楚在位三年

昭侯

名申亦大子有子悼侯弟楚子常貪其物留之三年歸而求晉伐楚晉爲之合諸侯於召陵旣而荀寅求貨不得遂止其事定四年滅沈楚爲沈故圍蔡乃質公子於吳以吳師伐楚大敗楚人入其都楚昭出奔幾亡楚矣五年魯人來歸粟哀元年楚昭以諸侯圍蔡二年避楚患遷於州來四年將如吳爲公子翩所弑在位二十八年 案文侯名申是昭侯高祖不應同名疑當有悞或云昭侯名由傳寫之誤也存泰

成侯

名朔昭侯子十年春秋終卒在春秋後

曹世次

姬姓伯得武王克商封同母弟叔振鐸於曹十世至桓公三十五年入春秋又十四傳至曹伯陽魯哀公八年爲宋所滅

桓公

名終生穆公子三十五年入春秋桓九年使大子射姑朝魯十年卒在位五十五年

莊公

名射姑桓公子桓九年代父朝魯莊十四年從齊桓伐宋二十三年卒在位三十一年

僖公

名赤莊公庶子世子羈奔陳戎納而立之莊三十二年卒經傳皆缺在位九年 案僖公名赤經有明文

舊本皆作夷非是

昭公

名班僖公子僖五年盟首止七年卒在位九年

共公

名襄昭公子僖九年盟葵邱二十八年晉文公執之

以畀宋人已而侯獮賂晉筮史乃得釋歸三十一年

晉分其地賜諸侯文九年卒在位三十五年

文公

名壽共公子文十一年朝魯十五年再朝魯齊懿公

討而伐之入其郛宣十四年卒在位二十三年

宣公

名廬文公子成二年公子首從晉卻克敗齊於鞌七

年朝魯十三年會諸侯伐秦卒於師在位十七年

成公

名召穆文公庶子宣公弟成十三年殺宣公太子自

立十五年會於戚晉侯執而歸於京師十六年釋之  
襄十年從晉悼公三駕服鄭十八年會諸侯圍齊卒  
於師在位二十三年 案釋史從杜注作宣公子非  
武公 名滕成公子襄二十一年朝魯二十七年大夫會晉  
楚諸卿盟於宋南北分霸昭元年大夫會晉楚諸卿  
於號四年楚靈召諸侯辭之十三年同盟平邱十四  
年卒在位二十七年

平公

名須武公子昭十八年卒在位四年

悼公

名午平公子昭二十七年卒在位九年

聲公

名野平公子悼公弟昭三十二年隱公弑之

經傳在  
音缺



位五年

隱公

名適武公庶子平公弟定四年靖公弑之經傳在位皆缺

四年

靖公

名露平公子聲公弟定八年卒在位四年

伯陽

靖公子在位十五年好田弋任公孫彊爲政哀八年

宋景公執其君臣殺之而國亡矣

衛世次

姬姓侯爵出自周武王同母少弟康叔之後叔爲王  
司寇成王誅武庚以其地封康叔於衛至桓公十三  
年入春秋出公十二年獲麟之歲也後至戰國貶號

曰君秦二世廢其君角爲庶人

桓公

名完莊公子母戴婚十三年入春秋隱四年爲公子州吁所弑在位十六年

宣公

名晉桓公庶弟衛人殺州吁立之隱五年入邾八年與宋公遇于垂秋與宋齊盟于瓦屋桓三年與齊侯胥命于蒲五年從王伐鄭十二年卒在位十九年

案此君上烝庶母夷姜下納子婦是爲宣姜淫亂無恥賔倫傷化康叔武公之德教於是乎衰矣

惠公

名朔宣公納伋子妻宣姜所生爲公子時與其母譖殺伋子並及其兄壽桓十五年會諸侯伐鄭十六年

冬左右二公子逐之出奔齊在位四年矣

公子黔牟羣公子二公子立之莊六年惠公復入放之於周在位八年

惠公 莊六年入國殺二公子放黔牟十四年會諸侯於鄆

時齊桓公初伯十九年周蘓子奉子頹奔衛衛師助之伐王二十五年卒又在位十九年共二十三年

懿公 名赤惠公子莊二十八年齊伐衛討其助子頹取賂

而還閔二年公禦狄戰敗死之狄入衛在位九年

戴公 名巾公子頑烝於宜姜所生子宜公孫懿公死國人

立之未踰年卒

文公

名燬戴公同母弟亦公子頑子僖二年諸侯城楚邱  
以封衛四年從齊桓公伐楚五年與諸侯會王世子  
于首止十二年諸侯城楚邱以備狄難十八年邢與  
狄伐衛公以國讓父兄子弟叔不許十九年衛大旱  
伐邢而雨二十五年滅邢夏卒在位二十五年

成公

名鄭文公子僖二十八年晉文公伐衛以修舊怨夏  
晉敗楚於城濮公懼而奔楚使元咺奉弟叔武從晉  
盟於踐土六月公歸自楚前驅懼殺叔武元咺奔晉  
訴公冬公與元咺訟於晉不勝晉執公歸之京師甯  
俞從公元咺歸立公子瑕三十年晉侯使醫酈公甯

俞貨醫薄其酖得不死已而納賂於王及晉侯始釋  
公又賂周歆冶廙使殺元阻及瑕乃復歸三十一年  
遷都帝邱文元年晉伐衛取戚田衛謀於陳以伐晉  
明年陳侯爲衛請成執孔達於晉四年晉歸孔達公  
如晉拜八年晉歸戚田宣六年孫免從晉侵陳七年  
公使孫良夫盟於魯九年卒在位三十五年

穆公

名速成公子宣十二年孔達會晉宋大夫盟于靖邱  
已而背盟救陳明年晉來討孔達縊而死成二年使  
孫良夫等帥師侵齊爲齊所敗良夫如晉乞師晉滅  
孫亦乞師於晉晉卻克帥師救二國大敗齊於鞏

月卒晉卿還弔於衛在位十一年

定公

名臧穆公子宣十八年爲世子從晉伐齊成二年楚子重救齊侵衛孫良夫會諸大夫與盟於蜀三年使良夫聘於魯六年良夫會諸大夫侵宋良夫卒公惡其子林父林父以戚奔晉七年公如晉晉反戚田八年廢魯伯姬十四年晉人來歸林父公從夫人姜氏言受而復之冬卒在位十二年

獻公

名衎定公子母敬嬀定公疾使孔成子甯惠子立之公卒不哀夫人姜氏惡之成十五年林父及諸大夫會吳鍾離襄元年寧殖會諸大夫圍宋彭城七年魯

季孫宿來聘冬公使林父報聘十年夏公救宋師於  
襄牛鄭皇耳侵衛孫蒯追而獲之十一年兩會諸侯  
伐鄭時晉悼公三駕服鄭十四年使北宮括會諸大  
夫伐秦夏孫林父甯殖逐公公出奔齊時在位十八  
年矣

殤公

名劉黑背子穆公孫襄十四年孫甯逐獻公立之冬  
林父會諸大夫於戚以定君位十七年石買伐曹十  
八年晉執石買與孫蒯討其伐曹既而從諸侯圍齊  
二十六年爲甯喜所弑在位十二年

獻公

襄二十五年公入於夷儀使與甯喜言求復明年喜

弑剽納之林父叛以戚附於晉晉取衛西鄙邑以與  
林父已而執喜與北宮遺以歸公如晉晉執而囚之  
齊景公鄭簡公皆如晉爲公請晉侯許之冬公歸其  
女於晉始得歸二十七年石惡會晉楚大夫盟于宋  
於是南北分伯公殺甯喜公弟鮪奔晉明年公討喜  
黨逐石惡二十九年卒在位又三年共二十一年

襄公

名惡獻公子襄二十九年世叔儀會諸大夫城杞吳  
季札來聘三十一年公如楚北宮佗相昭元年齊惡  
會晉楚大夫于穀四年楚靈召諸侯公以疾辭七年  
卒使齊惡告於周景王使來追錫公命晉使范鞅來



弔且反戚田在位九年

靈公

名元襄公子母嬀始兄孟彘有足疾孔成子立之時  
年六歲昭九年趙鞅與諸大夫會楚子於陳十八年  
衛災二十年齊豹等作亂殺孟彘公出亡如死鳥旣  
而北宮氏攻殺齊豹公子朝等出奔公復國殺嬀母  
宣姜二十五年北宮喜會諸大夫于黃父謀納王二  
十七年喜會諸大夫于扈謀納魯侯不克三十二年  
世叔申會諸大夫城成周定四年公會劉子諸侯於  
召陵侵楚使祝佗言於襄宏長蔡於盟六年魯侯侵  
鄭不假道公使彌子瑕追之公叔發諫而止七年公

與齊侯謀叛晉使齊執北宮結以侵衛而盟於瑱八年晉大夫盟公傷公手以辱公公與王孫賈謀激國人遂叛晉九年會齊伐晉十二年又會齊伐晉十四年春逐公叔戊及其黨夏會齊魯之君救晉叛臣秋爲夫人南子召宋朝太子蒯聵謀弑母不克奔宋哀元年會齊伐晉助晉叛臣二年卒在位四十二年

出公

名輒蒯聵子靈公卒夫人南子立之晉人納其父以兵拒之哀三年使石曼姑圍其父於戚十二年會吳夫差於鄆被執魯人言而舍之十四年魯西狩獲麟春秋終明年其父自戚入國公奔魯在位十三年矣

莊公 名蒯瞶靈公子母南子定十四年以弑母不克奔晉  
靈公卒晉趙鞅納之其子不受入於戚哀十五年其  
姊孔姬使家臣渾良夫迎以入趙子孔悝立之十六  
年告於周夏逐孔悝又逐大叔遺十七年大子疾譖  
殺良夫冬晉趙鞅伐衛爲國人所逐入於戎州被弑  
在位二年 案此公種種悖亂並無人君之度乃諡  
之曰莊且犯其先君殊不可解

公子起靈公庶子哀十七年國人出莊公晉立公孫般師未  
幾齊伐衛執般師以歸立起十八年石圃逐之在位

一年

出公 哀十八年復入逐石圃二十五年南氏等作亂共逐之奔越在位又七年共二十年哀二十六年越人會諸侯之師納之不克竟終於越

悼公 名黯靈公庶子哀二十六年南氏立而相之